

၄. ၁၁၆၉၆


ပါနတေသာ်ဘဏ်

ဦးမန္တ အောင် စောင့်

အဖွဲ့အစည်း မြိုင်အစိုးရပြည်သူများ

(ဌာနနှင့် ပြည်သူများ)

၃. မြောက် ၂၀၁၈ ခုနှစ်၊ ဧပြီလ



စောင်းဆုံး

စာရိပ်နှင့် ပုဂ္ဂန်များ ပုဂ္ဂန်များ ပုဂ္ဂန်များ

1921



କବିତାବଳୀ

ქართველობი

ი რ მ უ ს ა ლ ი დ ი ს ი

ავტორის წინასიცუვაობით

(ფრანგულიდან)

შ. შ ა ლ ვ ა ვ ა რ დ ი ძ ი ს ა



ს ტ ა მ მ ლ ი

საბეჭდავი კათოლიკე ქართველთა საფანისა

მპიონერის საყურადღებოდ

საქართველოს ეკლესიური ისტორია ბევრ ნაირად გამო-
მოურკვეველია რადგან ყველა ის საისტორიო მასალა, რომე-
ლიც ჩვენში და უცხო ქვეყნებში მოიპოვება, ბევრი დღესაც
კიდევ შეუსწავლელია. ამ ნაკლს სხვაც მუდამ თან დაჰყებოდა:
რაც კი ჩვენს ლიტერატურაში დამუშავებული და ნათელი იყო,
იმასაც დღემდის დასავლეთში ძალიან ნაკლებათ იცნობდენ.
ამ მხრივ დაუვიწყარი ღვაწლი მიუძღვის კონსტანტინეპოლის
კათოლიკე ქართველთა საგანის წევრს, **მ. გიგეილ თამარა-შვილს**, რომელმაც თავისი დაუღალავი მეცადინეობით და
გამოკვლევით ბევრი რამ ნათელ ჰყო ჩვენ საეკლესიო ისტო-
რიაში.

ჯერედ ქართულად დასწერა და თბილისში გამოსცა 1902
წელს ისტორია კათოლიკობისა ქართველთა შორის და ორი
წლის შემდეგ პასუხად სომხის მწერლებს.

დასავლეთის მკვლევართ ამ წიგნებით ვერ ისარგებლეს,
ცოტათი მაინც რომ შეეცვალათ თავიანთი შეხედულება ივე-
რიის ეკლესიის დასაწყისზე, მის ლიტურგიაზე და სასულიერო
ლიტერატურაზე, რომლებზედაც მრავალ წლობით სომხური
პროპაგანდა გაუგებარ და ისტორიულ სინამდვილეს მოკლე-
ბულ ცნობებს ავტორები და. ამიტომაც ამავე თამარაშვილმა
1910 წელს რომში გამოსცა ფრანგულ ენაზე ფრიად საყურად-
ღებო წიგნი: „L'EGLISE GÉORGIENNE des Origines jusqu'à
nos jours“.

ამ წიგნმა რიგის გარეთი და ფრიად სასურველი ზედ-გავ-
ლენა მოახდინა აღმოსავლეთის ეკლესიურ ისტორიის მკვლევა-
რებზე, რადგან სულ ახალი და ნამდვილი ისტორიული საბუ-
თები გადაეშალათ თვალ-წინ. მომეტებულად კი კათოლიკთა
ეკლესიის მაღალ წრეებს და მართველობას სულ ახალი შეხე-
დულობა დაუბადა და მითვე უდიდესი თანაგრძნობა და პატი-
ვისცემა ივერიის ძველად ბრწყინვალე ეკლესიისადმი.

თამარაშვილი ვიდრე გამოაქვეყნებდა თავის გამოკვლევებს,
ისედაც დიდ პროპაგანდას სწევდა ყველგან სიტყვით და მიწერ-

მოწერით. იტალიელი მკელევარი მღ. ოუჩელიო პალმიერი ამ ოცი წლის წინეთ სწავლობს ქართულსა და კრიტიკულად იკვლევს ივერიის ეკლესიის დასაწყისსა, ქართველების გაქრისტიანებას და წმიდა ნინოს მოღვაწეობას ჩვენში და მის ხანას. იტალიურ ენაზე მრავალი მეცნიერული წერილები და გამოკვლევები მოათავსა პერიოდულ ჟურნალ „BESSARIONE—Rivista di Studi Orientali“-ში, (anno VI, vol. I, fasc. 63; vol. II, fasc. 65-66). ხოლო ამათზე უფრო მეტად საყურადღებოა მისი „LA CONVERSIONE ufficiale degl' Iberi al Cristianesimo“—ოფიციალური გაქრისტიანება ივერიელებისა—და სულ განსაკუთრებით „LA CHIESA GEORGIANA e le sue origini“—დასაბამი საქართველოს ეკლესიისა—1901 წელს დაბეჭდილი ქ. რომში, იმავე Bessarione-ში (anno V, vol. IX, fasc. 59-60) და 1904 წელს ამის დამატებანი (addizioni anno VIII, vol. VI, fasc. 76 e 77).

თამარაშვილს გერმანიაშიც ჰყავდა მეცნიერი მეგობარი. ფილოსოფიის და ლიტერატურული დოკტორი შრ. გომარგი გრიც, დიდი ხანია იკვლევს საქართველოს ძველ ლიტერატურას და სულ განსაკუთრებით ლიტურგიულსა, მაგრამ რავდენადაც ვიცით ჯერ-ჯერობით არაფერი გამოუქვეყნებია.

აქ კონსტანტინეპოლში თუთხმეტიოდე წელიწადია აღმოსავლეთურ ეკლესიათა ისტორიას იკვლევდა ფრანგი მღ. ალიოზ პეტრი, რომელიც დღეს ათინის არხიეპისკოპოსია. ეს პატივცემული მეცნიერი მრავალ გზის შექმნა საქართველოს ეკლესიას, მის ლიტურგიას და ლიტერატურას; მაგრამ უნდა ვაღვიაროთ, რომ სომხური ფსევდო-ისტორიული გავლენა სამწუხაროდ ყოველთვის თავიდან ვერ აიშორია.

პირ-იქით მისი თანაბრძმე, ახალი მკვლევარი, ამ წიგნის ავტორი მღ. ჩ. ეანენი უფრო სიმპატიურად და სერიოზულად უყურებს ივერიის ეკლესიის წარსულ ისტორიას. პირველი მისი გამოკვლევა „დახმამი ქრისტიანობისა საქართველოში—Les Crigines chrétiennes de la Géorgie“—დაიბეჭდა 1912 წელს, ორ თვიურ ჟურნალ „ECHOIS d'ORIENT“-ში (t. XV, p. 289).

დაინტერესებულმა ქართული ეკლესიის წარსულით, რ. ფანენმა კარგა ხანს დაჰყო პალესტინაში, ადგილობრივ ინახულა ქართველების ყველა ძეველი სავანები, კრიტიკულად გამოიკვლია მათი ისტორია, და 1913 წელს, იმავე უურნალის 98 და 100 ნუმრებში, გამოსცა ამ სათაურით „Les Géorgiens à Jérusalem—ქართველები იერუსალიმში“—რომლის თარგმანს, ავტორის წინასიტყვაობით დღეს ვაქევენებთ. იმის შემდეგ რ. ფანენმა კათოლიკურ ღვთის-მეტყველების ენციკლიკედიურ ლექსიკონში საქართველოს შესახებ ვრცელი გეოგრაფიული და ეთნოგრაფიული, ეკონომიკური და პოლიტიკური, რელიგიური და ლიტერატურული გამოკვლევა მოათავსა; აქაც პატივცემული მკვლევარი რიგის გარეთ ცოლნას იჩენს, ვინაიდგან საქართველოს ცხოვრება უძველეს დროიდგან დღევანდლამდე დასაბუთებული აქვს არა მარტო ქართული წყაროებით, რომელიც ჩვენ დაუთარგმნეთ, არამედ უკანონ ტომების ძველ და ახალ მემატიანეთა და მეცნიერთა საბუთებითაც.

საჭიროა აქ აღვნიშნოთ, რომ ქართველი მკვლევარები დღემდის ნაკლებ ყურადღებას აქცევდენ სხვა და სხვა უცხო ძველებში ყოფილ სავანებში, სადაც საუკუნეთა განმავლობაში ქართველმა ერმა ლირსეულად გამოამჟღვნა ოფისი შემოქმედებითი ნიჭი და კულტურული ძლიერება. დასავლეთის მწერალთა ყურადღება კი უფრო ამან მიიზიდა და უფრო ამან აღძრა მათში ის თანაფრინობა და პატივისცემა, რომლის ერთი საუკეთესო გამომზატველი და გამომოქმედი არის მ. რ. ფანენი.

ჩვენი დიდებული წარსულის დაკარგვა უფრო მეტად აწუხებს ზოგიერთ შეგნებულ უცხოელებს ვიდრე ჩვენ. და თუ ეს წიგნი „ქართველები იერუსალიმში“ ვსთარგმნეთ და დღეს ქართველ საზოგადოებას ვაწვდით, სხვათა შორის გვსურს უჩვენოთ ყველას რამდენად აფასებს და პატივს-სცემს უცხოელი ჩვენს წარსულ შემოქმედებას და დიდებას.

პ. ვ. ვარდიძე.

P R È F A C E

L'Eglise géorgienne est certainement l'une des plus illustres de l'Orient, non seulement par les saints et les savants qu'elle a produits et par les oeuvres d'art religieux dont il nous reste de précieux spécimens, mais encore par son rayonnement extérieur et par l'influence qu'elle exerça en plus d'une région et par les luttes qu'elle eut à soutenir de tout temps pour défendre la foi de ses enfants.

Ce rayonnement, elle le fit sentir spécialement dans l'empire byzantin, mais plus particulièrement au mont Athos et en Palestine. Pendant plusieurs siècles du Moyen Age, son prestige est fait de ses gloires militaires, de la vertu de ses moines répandus par centaines hors des frontières du royaume, de ses fondations pieuses, des travaux littéraires et religieux de ses écrivains. C'est à Jérusalem et dans ses environs que nous nous sommes attaché à retrouver les traces de l'influence géorgienne, grâce à des textes multiples de cette époque, tant orientaux qu'occidentaux. Nul doute que la Géorgie n'en possède beaucoup d'autres qu'il nous a malheureusement été impossible de consulter. Leur publication fournira certainement plus d'un développement à notre modeste travail.

Dieu veuille que le souvenir de leur glorieux passé inspire aux Géorgiens, redevenus maîtres de leurs destinées par une disposition particulière de la Providence, de reprendre bientôt la place de choix qui doit être la leur dans l'unique Eglise universelle fondée par Jésus-Christ, qui est seule capable de les comprendre et de les traiter comme ses enfants!

R. JANIN.



ԸՆԿԵՐԾՄԱՂՑԱ

აღმოსავლეთის ეკლესიებში საქართველოს ეკლესია უსა-
თუოდ ერთი უწარჩინებულესთაგანია, არა მარტო იმ წმინდა-
ნებით და მეცნიერებით, რომლებიც მან წარმოშვა და სასუ-
ლიერო ხელოვნების ნამოქმედარითა, რომლის ზოგიერთმა
ძვირფასმა ნიმუშებმა ჩვენამდე მოაღწია, არამედ თავის ბრწყინ-
ვალებითა და ზედ-გავლენით მრავალ უცხო ქვეყნებში რომ
მოიპოვა, და იგრეთვე შუდმივი ბრძოლით ყოველთვის რომ
აწარმოებდა თავისი შვილთა სარწმუნოების დასცველად.

მისი ეს ბრწყინვალე სხივოსნობა თვალსაჩინო შეიქმნა
განსაკუთრებით ბიზანტიურ იმპერიის საზღვრებში, მაგრამ ამაზე
უფრო მეტად კი **მთა-წმიდასა და პალესტინაში**. საშუალო სა-
უკუნეთა რამდენიმე ასი წლის განმავლობაში მას სახელი გაუ-
თქვა მისმა სამხედრო ძლევა-მოსილობამ, საზღვარ გარეთ მრა-
ვალ ასობით მოფანტული ბერ-მონაზონების სათნოებამ, სასუ-
ლიერო-საქველმოქმედო დაწესებულებებმა და მისი მწერლე-
ბის სამწიგნობრო და სასულიერო ღვაწლმა. ჩვენ აქ მიზნად
დავისახეთ აღმოვაჩინოთ ქართული გავლენა მხოლოდ იერუ-
სალიმა და მის მიღამოებში, რადგან მრავლათ მოიპოვება იმ
დროის საისტორიო საბუთი, როგორც აღმოსავლეთურ ეგრე-
თვე დასავლეთურ წყაროებში. ეჭვს გარეშე, საქართველოს
სხვა მრავალი მწერლობითი ნაშთიც უნდა მოეპოვოდეს, რომ-
ლითაც სამწუხაროდ ჩვენ ვერ ვისარგებლეთ და რომლის გა-
მოქვეყნება, რა თქმა უნდა, მრავალ მხრივ გააშუქებდა ამ ჩვენ
მცირე ნაშორებაშარს.

ინებოს ღმერთმა და წარსული დიდების ხსოვნამ შთააგონოს ქართველებს—დღეს ზეციური განგებით თავიანთი სვებედის პატრიონებს — რათა დაიბრუნონ ის საპატიო ადგილი, რომელიც მათ უნდა ეკუთვნოდეს იგსო ქრისტეს მიერ დამყარებულ ერთად-ერთ მსოფლიო ეკლესიის წიაღში; მხოლოდ ამ ეკლესიას შეუძლია ჯეროვანათ დააფასოს იგინი და ისე მოკიდას მათ როგორც თავის საკუთარ შვილებს.

ၬ။ အျမှေး။

1921 წელს, გიორგობისთვის 1-ს.

კონსტანტინეპოლი.



ქართველები იერუსალიმში.

I. სამლოცველოები და სავანეები.

ქრისტიანი ერები ყოველთვის მიიღოდენ პალესტინი-საკენ, რადგან რწმენა ამ წმიდა აღგილებისა, საღაც ძველად ქრისტე ღმერთი ცხოვრობდა და ჯვარს ეცვა, დიდ მიმზიდველ ზედგავლენას ახდენდა მათზე.

ესენი თავიანთი სარწმუნოებრივი გულის წადილის დასაკმაყოფილებლად არ ჯერდებოდენ საყვარელ სამლოცველოების მხოლოდ მიმოხილვასა, და ხშირად იქვე მკვიდრდებოდენ; ამ სახით ეს ქვეყანა მრავალ გზის საკვირველად აღორძინდა ძვირფასი სავანეებითა და ეკლესიებით.

დღეს მლოცველიც და მოგზაურიც სწუხს და დრტვინავს იმ უწესოების გამო, რომელიც წმიდა ქალაქში სუფეს წელი-წადის ზოგიერთს დროს და განსაკუთრებით აღდგომის და შობის დღესასწაულებში; მართლაც საოცარია ის განუწყვეტელი დავა და ქიშპობა, რომელიც თავს იჩენს სხვა და სხვა მიმდინარეობის ქრისტიანთა შორის მათი წინაპრების-მიერ დატოვებულ მემკვიდრეობის დასაცველად. საშუალო საუკუნოებში ხალხთა დენა წმიდა აღგილებისკენ უფრო დიდი იყო და ეს ქიშპობა და დავა იმდენად უფრო ძლიერდებოდა და მკაცრ ხასიათს იღებდა, რამდენადაც ემატებოდა იმ ერთა რიცხვი, რომელნიც წმიდა აღგილების დაკავებას ეცილებოდენ ერთი-მეორეს. უკვე რამდენიმე საუკუნეა, რაც ზოგიერთი ამ ხალხ-თაგანი იერუსალიმში სრულიად გაქრენ, მაგ. სერბიელები,

ქართველები და ბესები *), ან და დაპკარგეს თავიანთი გავლენა, როგორც მარონიტებმა, კოპტებმა და აბაშელებმა. ძველად კი ყველა იმ ხალხთა შორის, რომელთაც იმ ღროში განსაკუთრებული უპირატესობანი და დიდი გავლენა ჰქონდათ წმიდა ქალაქში, ქართველებს უდაოდ ერთი უპირველესი აღგილი ეჭირათ **).

*) ბესები, საფრანგეთის ამავე სახელ-წოდების მაზრის მცხოვრები არიან. შ. ვ.

**) საქართველოს ეკლესიაში ბერ-მონაზონეპრივი ცხოვრების ლტოლვილება ისე მაღვე გაიზარდა, რომ ჩვენი ქვეყნის შინაგანი და გარე მაზრები აიგო ქართველ მამების და დელების წმიდა დასებით. მაღვე მათ თავიანთი მოქმედების ასპარეზი უცხო ქვეყნებშიც გადაიტანეს. განსაცვივრებელია რიცხვი მათ თავშესაფარ სავანებისა, რომლებიც ააშენეს არა მარტო იერუსალიმსა და პალესტინაში, არამედ სინაის მთაზე, სირიაში, საბერძნეთში და ოფიტ მაკედონიაში.

ყველგან ბრწყინავდა ქართველ სულიერ მამათა სათნოება, დუღდა ზესთა-ბუნებრივი და გონებრივი მათი ცხოვრება, და მათი წმიდა თავ-შესავარი ყოველგან იყო კერა ჩვენი ეროვნული კულტურისა. ამისთვის მკითხველის საყურადღებოთ აქ აღვნიშნავთ იმ სავანების სიას რომლებიც საზღვარ გარეთ იყენენ და რომლებზედაც ისტორიული საბუთები ანუ ზეპირ-გადმოცემითი ცნობები კიდევ დარჩენილია დღემდის.

I. პალესტინაში: სავანე წმიდა ჯვრისა; წმიდა მოციქულთა, გაშენებული მეფე გიორგი I-ს მიერ; აბრაამისა, განახლებული მე-XVII საუკუნეში გიორგი აბაშიძის მიერ; წმ. გიორგისა, გაშენებული თავად დადიანის მიერ; წმ. თეკლესი, ქრისტეფორე ზედგინიძისა; წმ. ნიკოლოზისა, გაშენებული საქართ. დედოფლის ელენეს-მიერ; წმ. ვასილისა, გაშენებული ამირინდო ამილახვარის და თაქოს მიერ; წმ. ღიმიტრისა, გაშენებული ქსნის ერისთავის შალვას მიერ; წმ. მოციქულის და მახარებელის იოვანესი, გაშენებული სამცხის ათაბეგების მიერ; წმ. თეოდორესი, გაშენებული ბექან და ბააღურ ჩოლოყაშვილების მიერ; წმ. მოციქ. იაკობ ზებედესი; წმ. სამოელ წინასწარმეტყველისა; წმ. ნიკოლოზის მეორე სავანე, გაშენებული პაატა

ამ უკანასკნელების გაქრისტიანების შემდეგ, 50 წელიწადი ძლიერ იყო გასული *), როდესაც ერთი მათვანი, ევაგრი, თავისი საღვთის-მეტყველო ბჭობა-კამათით წმიდა იერონიმესთან, უკვე მთელ აღმოსავლეთში ქუჩდა. ერთი საუკუნის შემდეგ ამას მოჰყვა ქალაქ მაიუმის ეპისკოპოსი, პეტრე ივერიელი, რომელსაც ტყვილად თუ მართლად ევთიხის მწვალებლობის მომხრეობას აბრალებდენ; ამანაც კიდევ ამცნო პალესტინაში **) ქართველი ერის სახელი.

ვიდრე ეპისკოპოსი გახდებოდა, ამ პეტრე ივერიელს მრავალი სავანეები აუშენებია: ამათში ერთი იერუსალიმში იყო,

და ქაიხოსრო წულუკიძეების მიერ; წმ. საბასი; წმ. სიმონის ღვთის მიმრქმელისა; გოლგოთაზე ტაძარი ქრისტეს აღდგომისა; წმ. ეკატერინასი, ქალთა სავანე გაშენებული მე-XVII საუკუნეში, ამირბარ ციციშვილის და მაჩაბლის მიერ; მირქმისა, ქალთა სავანე გაშენებული რაჭის ერისთავის მიერ; წმ. იოვანე ნათლის მცემელისა, მდ. იორდანეზე; მოგზაური ტიმოთე არხიეპისკოპოსი მე-XVII ს-ში 4 მონასტერს იხსენიებს ნაზარეთში. II. **სირიაში:** წმ. სვიმონ მესვეტისა; ყ-დ. წმ. ღვთის-მშობლისა ქ. ალეპის ახლოს; კვიპრის კუნძულისა; შავი მთისა, სირიაში; სინას მთისა. III. **საბერძნეთში:** ქ. ტრაპიზონისა; ღვთის-მშობლის ივერიის კარისა, ათონზე; აქვე წმ. ფილოთეოზისა; იონა ღვთის-მეტყველისა, დაფუძნებული ათონზე 1870 წელს; ეკლესია ყ-დ. წმ. ღვთის-მშობლისა ოლიმპის მთაზე. IV. **მაკედონიაში:** იერისო, სალონიკის მახლობლად; წმიდა ნინოსი, ქ. ფილიპიპოლის 20 ვერსით დაშორებულ მთაზე. V. **კონსტანტინეპოლისა, სადაც ქართველთ** წმ. ილარიონი დაკრძალეს; უმანკუდ ჩასახებული ყ-დ. წმ. ღვთის-მშობლისა, დაფუძნებული მ. პეტრე ხარისჭირაშვილის მიერ 1861 წელს, ფერიკვეის უბანში; იმავე აღგილსა და იგივე სახელწოდებით მანვე 1871 წელს ქართველ დედათა სავანეც დაარსა. **მ. ვ.**

*) R. Janin, les Origines de la Géorgie. dans les Echos d'Orient, t. XV, 1912, p. 289.

**) R. Raabe, Petrus der Iberer. Leipzig 1895.

დანარჩენები კი მდინარე იორდანეს ნაპირებზე. ამ ხანიდან ივერიელები ანუ ქართველები ბლომად მოაწყდენ წმიდა ქვეყანას; აქ ძველადგანვე უჩვენებენ ორ სავანეს, რომელიც მათ ეკუთვნოდა. მართლადაც პროკოპი *) გადმოგვცემს, რომ იუსტინიანემ **) განაახლებინა წმიდა ქალაქში სავან ივერიელებისა და ჭანებისა ***) იერუსალიმის უდაბნოში ****).

პეტრე ივერიელმა თავისი სავან გააშენა იერუსალიმში ვგონებთ, ქართველ მეფის ვახტანგის (464—499) მეფობის დროს. ზოგიერთთა აზრით, ეს სავან იმყოფებოდა შიგ ქალაქში, დავითის კოშკის მახლობლად (ქ. იაფას კარი), იმ გზის მარცხნით, რომელიც ამ კოშკიდან სიონის ეკლესიამდე მი-

*) პროკოპი, ბერძენი მემატიანე, დაიბადა პალესტინის ქ. კეისარიაში. ცხოვრობდა ქ.-შ. მე-IV საუკუნის პირველ ნახევარში. ერთხანს მჭერმეტყველების მასწავლებლად იყო კონსტანტინეპოლიში. შემდევ იმპერატორი იუსტინიანე I-ის სარდლის მდივნობა მიიღო და 562 წელს კონსტანტინეპოლის მართველის თანამდებობა მისუნს. გადაიკვალა 565 წ. მისი ნაწერები დამახასიათებელია კლასიკური ლიტერატურის ბიზანტიურ ლიტერატურად გადასვლის ხანისა. ამან დასწერა „ისტორია“, 8 წიგნად, ანუ იუსტინიანეს ომების ამბები 553 წლამდის; „ძეგლები“, იუსტინიანე იმპერატორის ნაშენთა აღწერილობა, რომელსაც ჩვენი ავტორი ხშირად იხსენიებს; „დაფარული ისტორია“, 549—553 წლამდის, სადაც ჰიკიცავს იმავე იმპერატორს და ბელიაზარს, რომელთაც თავის „ძეგლებში“ ხშირად ზედმეტად აქებდა. შ. ვ.

**) იუსტინიანე I-ლი დაიბადა 483 წელს ქ. თავრეზიუმში, იმეფა 38 წელიწადი (527—565). კონსტანტინეპოლის იმპერატორთა შორის იუსტინიანე ყველაზე მეტად სახელ-განთქმულია. შ. ვ.

***) ჭანები ანუ ლაზები ქართველების მოდგმისა არიან. თურქების დაპყრობის შემდევ თითქმის ყველანი გამუსლიმანდენ.

****) Procope, De Aedificiis, l. V, c. IX.—P.G. t. LXXVII, col. 521.

დიოდა *). სხვათა სიტყვით კი, ეს სავანე უფრო ჩრდილოეთ-აღმოსავლეთით იმყოფებოდა და უნდა ვიგულისხმოთ, რომ ეს იყო წმიდა ივანე ლვის-შეტყველის ძევლი სავანე **), რომელიც დღეს ფრანცისკანების ***) წმიდა შაცხოვრის სავანედ არის წოდებული. ჭანების სავანეს შესახებ კი უმრავლესობა ფიქრობს, რომ ეს სავანე არის წმიდა ჯვრის სავანე, რომელზედაც შემდეგში გვექნება საუბარი.

არაბების დაპყრობამ ოუმცა უნებლიერდ შეძერა პალესტინისაკენ გადმოსახლების მოძრაობა, მაგრამ სავსებით მაინც ვერ დაუკარგა ამის ცხოველი წადილი იმათ, ვანც მონაზონებრივი ცხოვრებით იყვნენ გატაცებულნი და ვისაც მაცხოვრის საფლავთან წმიდათ ცხოვრების გატარება სურდათ. სამწუხაროდ, ამ არეულ ხანის საბუთები იშვიათად მოიპოვება და ისაც ძალიან მოკლე შინაარსისა; სულ რაც ვიცით, შემდეგი წყაროდება არის: „სი-გელი, მოსახსენებელი სახლოა უცლისათა ანუ სავანეთა“— „Commemoratorium de casis Dei vel monasteriis“—გადმოგვცემს, რომ 808 წელს ზეთის-ხილის მთის სავანეში ოთხი ჭართველი ბერი იყო, ხოლო გეოსამანიისაში ****) კი ერთი. დანამდვილებით არ ვაცით, ივერიელების სავანეს იერუსალიმში საერთო განადგურება ერგო წილად, როგორც სხვა ბევრ სავანეს შემოსეულ დამპყრობლების-მიერ, თუ არა.

*) J. Vailhé, Répertoire alphabétique des monastères de Palestine, Paris, 1900.

**) Chr. Papadopoulos, Η ἵερὰ Μονὴ τοῦ Σταυροῦ. Jérusalem, 1905, p. 18.

***) ფრანცისკანები, კათოლიკე ბერები არიან; ამათი ჯზუფი ცალკე საზოგადოებათ გამოეყო იმ დიდ საზოგადოებას, რომელიც 1208 წელში წმიდა ფრანცისკებ დააარსა შუა იტალიის ქ. ასიზიოს ახლოს „პორტიუნკულე“ წოდებულ ადგილში. გ. 3.

****) Itinera Hierosolimitana, Genève, 1880, I (2) p. 302.

ამ ცნობის გარდა, დასავლეთის მემატიანენი აღარ იხსენიებენ ქართველებს მე-IV საუკუნეში. დაახლოვებით 1050 წელს კი საქართველოს მეფე ბაგრატ კურატპალატს მიუღია *) ბერძნის იმპერატორისაგან თხემის ნახევარი გოლგოთაზე, სადაც მას განუწესებია ერთი ქართველი ეპისკოპოსი **). ამავე საუკუნის უკანასკნელ ხანებში იმ აღგილს, სადაც წმიდა იაკობ დიდი აწამეს, ქართველებმა გააშენეს სხვა ახალი საგანე, რომლიც შემდეგში სომხებმა დაისაკუთრეს ***).

ჩვენ არ ვიცით, განდევნილ იქმნენ ქართველები გოლგოთიდგან ჯვაროსანთა მოსვლამდე თუ დასავლეთის რაინდებმა სთხოვეს მათ თავის ნებით წასულიყვნენ; მხოლოდ ფაქტია, რომ ჯვაროსნობის დროის მემატიანეთა შორის არც ერთს არ აქვს აღნიშნული ქართველების ყოფნა გოლგოთაზე.

მე-VII საუკუნის დამლევს ქრისტიანებმა დაჰკარგეს პალეტინა. ამ მოვლენამ ქართველების ლტოლვილება იერუსალიმისაკენ, რომელიც ჯვაროსნობის დასაწყისიდგანვე იყო დაწყებული, არა თუ შეაჩერა, პირ-იქით უფრო გაადვილა და გააფართოვა; ამიტომაც ეს დრო არის სწორედ ის ჩანა, როდესაც მათ დაიწყეს იქ გაბატონება.

ყველასაგან ცნობილია, რომ საუკეთესო ნაწილი ევვიპტის სულთნების ჯარისა კავკასიიდგან მოყვანილ და ნაყიდი ტყვეები-

*) Palestine exploration Fund. Quarterly Statement, octobre 1911, p. 185.

**) ბაგრატ მეფის-მიერ ქართველი ეპისკოპოსის დანიშვნა გვაიძულებს ვიგულისხმოთ, რომ ამ დროებში, როგორც ქართველი სამღვდელოება ისე ბერებიც და მრევლიც ბლომათ უნდა ყოფილიყო პალესტინაში, თუმცა მემატიანენი მათ სრულიად არ იხსენიებენ. შ. 3.

***) Tchamitch, Histoire de l'Arménie, t. III. p. 666.

საგან შემდგარი მამელუკები *) იყვნენ და იმ დროს მთელ ამ ქვეყნებში ესენი ბატონობდენ. და რაღაც ქართველებს, რო-
ვორც დასავლეთის მემატიანენი გადმოგვცემენ, კარგი დამო-
კიდებულება ჰქონდათ მათთან, ამიტომ მათ მე-IXIII და მე-XIV
საუკუნეებში დიდათ საპატიო ადგილი ეჭირათ პალესტინაში;
მაშინ, როდესაც სხვა ქრისტიანებს დიდათ უჭირდათ იერუსა-

*) მამელუკი, არაბული სიტყვაა და ნიშნავს ტყვეს. ეს სახელ-წოდება ჰქონდათ თურქებისა და განსაკუთრებით კავკა-
სის მოდგმის ხალხებიდან აყვანილ ტყვეებს, რომელთაგან სა-
ლალინის შემდეგ ზოგიერთმა სულთნებმა საკუთარი გვარდია
შეჰქმნეს. მამელუკებში ზოგიერთებმა შემდეგში უმაღლესი
ადგილიც მიიღეს მთავრობაში, და ბოლოს ძალა ჩაიგდეს ხელ-
ში და გაბატონდენ მთელ ეგვიპტეზე. მამელუკების დასაწყისი
ჯენჯისხანის შემოსევის დროს ეკუთვნის. მალეკ-სალეჰ სულ-
თანმა სულ თავდაპირველად მონგოლებისაგან იყიდა ტყვე
თურქები, რომლებიც თავის სასახლეში მოათავსა და მისი და-
ცვა ჩააბარა. საუცხოვოთ გასწირთნა იგინი სამხედრო მკაცრი
დისტიმინის წყალობით და შემდეგ ეგვიპტის უკეთესობაზე
ქალაქების მცველად დაარიგა. საფრანგეთის მეფის ლუდო-
ვიკო მე-IX დამარცხებელი სულთანი მალეკ-მოადჰამი მოჰკლა
მამელუკების გენერალმა იზედინ-მოეზ-აიბეკმა და მოკლულის
დედა ხაჯერედორი სრულუფლებიან დედოფლიად გამოაცხადა.
შემდეგ ცოლად შეირთო იგი და 1254-ში, მამელუკების პირ-
ველ დინასტიის პირველ სულთანად გამოაცხადა თავის თავი.
ორი დინასტია იყო მამელუკ სულთნებისა: „ბაპარიტები“ ანუ
მეზოვაურნი, 1254—1382 წ.წ. ეკუთვნოდენ იმ მამელუკებს,
რომელნიც ეგვიპტის ზღვის ნაპირის უმთავრეს ქალაქებში
ცხოვრობდენ; უმრავლესობა, „ბორჯიტები“ 1382—1517 წ.წ.,
ეკუთვნოდენ იმ მამელუკებს, რომელნიც ქართველი ტომის
მხრებისანი იყვნენ და ცხოვრობდენ უმთავრეს ციხე-სიმაგრეებ-
ში (ბორჯი), როგორც მცველნი. როდესაც მთელი ძალა-
უფლება ამათ ხელში იყო, ეგვიპტე ძლიერ სახელმწიფოდ
ითვლებოდა. მათი სულთნები, როგორც მემატიანენი გადმო-
გვცემენ, უოველოვის კარგად ეპურობოდენ იერუსალიმის და
მთელ პალესტინის ქართველობას, რაღაც კარგად იცოდნენ

ლიმში მისვლა და იქაც მათი ყოფნა ხშირად საშიში იყო, ქართველებისათვის კარი ღია იყო და ისინი სრულად თავისუფლად გრძნობდენ თავს.

იაკობ ვიტრელი (Jacques de Vitry) მოგვითხრობს, რომ 1240 წლებში, ქართველები წმიდა ქალაქში დიდის ზემით, გაშლილი დროშებით შედიოდენ და არ იხდიდენ იმ გადასა-

რომ ქართველების ჩამომავალნი იყვნენ. მამელუკი სულთნები საშიშარნი იყვნენ როგორც გამოახენილნი მეომარნი და როგორც გამოქნილი დიპლომატები. განსაკუთრებით გაითქვეს სახელი სულთან ბიბარსმა და კელაუნმა და ყველაზე მეტად ნასერ-მოხამედ-ბენ-კელაუნმა. 1517 წელს, ოსმალთა სულთანმა სელიმმა ბოლო მოუღო მათ მეფობას; დაამარცხა და დაარჩო უკანასკნელი მამელუკი სულთანი ტუმამ-ბეი და ეგვიპტე ოსმალეთის საკუთრებად გამოაცხადა. მიუხედავად ამისა, ეგვიპტეს მაინც მამელუკების საბჭო მართავდა, რომელიც 23 ბეჭისაგან შესდგებოდა. ოსმალეთის სულთანს ჰყავდა მოადგილე ფაშა, რომელიც ბრძანებებს აძლევდა და ხარჯს იღებდა. ბეჭებს შეეძლოთ მორჩილობაზე უარი განეცხადებიათ და ფაშაც გამოცვალათ. ასე, 1766 წელს, ალი-ბეგმა ხარჯზე უარი სთქვა, განსდევნა ფაშა, დაამარცხა ოსმალეთის ჯარი და ეგვიპტის სულთანად გამოაცხადა თავის-თავი. ღალატმა მალე ბოლო მოუღო მის აჯანყებას, მაგრამ თურქთა გავლენა ძალზე შერყეული დასტოა. საქმით მამელუკები დამოუკიდებელნი იყვნენ და უფროსად ჰყავდათ მურად-ბეჭი და იბრაჰიმ-ბეჭი, როდესაც 1798-ში ბონაპარტი შეიჭრა ეგვიპტეში. ფრანგების გამარჯვებებმა გაანახევრეს მამელუკები და მოსპეს მათი გავლენა. ფრანგების წასვლის შემდეგ მათ ველარ შესძლეს თავიანთი სიძლიერის აღდგენა, ვინაიდან მთაში ძლიერი განხეთქილება გამეფდა. 1808 წელს მამელუკებმა იარაღი აიღეს და შეთქმულობა მოახდინეს მეტედ-ალი ფაშის მოსასპობად, სწორედ მაშინ, როდესაც ეს უკანასკნელი ვაპაბიტებთან საომრად ეშზადებოდა. სულთანის მოადგილემ შეიტყო რა ეს, თავს ზარი დაეცა და საპირდაპიროდ უკიდურესი ზომები მიიღო; მან მოიწვია მამელუკები 1811 წ. 1 მარტს კაიროს სიმაგრეში, სადაც მის შვილს ტუსუნ ფაშას ვაპაბიტებთან საომრად ცერემონიით

ხადს, რომელიც სავალდებულო იყო სხვა ყველა ქრისტიან მღლოცველებისათვის (*).

პოლიტიკურმა ცვლილებებმა ბევრი არ ავნო მათ; ასე, რომ სრულიად არ შეწუხდენ, როდესაც 1299 წელს მონგოლებმა ეგვიპტის სულთანი დაამარცხეს. მონგოლთა შემოსეულ ჯარში სხვა ქრისტიანებთან ერთად, ქართველ მეომრების დიდი რიცხვიც იყო, რომელთაც—ვაჟკაცობისა და მამაცობის დასაჯილდოებლად—მონგოლებმა დაუთმეს იერუსალიმი, სადაც ამის გამო 1300 წელში ქართველები გაბატონდნენ. ამ მფლობელობამ არ გასტანა წელიწადზე მეტი, რაღაც ეგვიპტელებმა ხელმეორედ შემოუტიეს მონგოლებს და თავიანთი დაკარგული ადგილები უკანვე დაიბრუნეს.

მამელუკებს ძალიან დიდი შურისძიება არ ჩაუდენიათ ქართველებისადმი. ეს ცხადია, ვინაიდგან 1308 წელში, ბერძნის იმპერატორის ანდრონიკე მე-II დახმარებით, ქართველებმა გოლგოთის სავანე თავიანთ კერძო საკუთრებად დაამტკიცებინეს ეგვიპტის მამელუკ სულთანსა, რაიც ამ დროის ადგილობრივი მართველთა განცხადებებითა მტკიცდება (**).

მე-XIII და მე-XIV საუკუნოებში ძალზე გაძლიერებული ქართველი საზოგადოება ნელ-ნელა იჭერს ადგილს ბერძნის საზოგადოებისას, რომელიც დევნილი იყო მამელუკებისაგან.

სარდლობა უნდა მიეღო. როცა მოტყუებული მამელუკთა მეთაურები შევიდენ სიმაგრეში, მეჭმედ-ალი-ფაშამ ციხის კარები ჩააკეტინა და ჩასაფრებულ ჯარს მთლად ამოაწყვეტინა იგინი. ამას მოჰყვა ერთ და იმავე დროს თითქმის მთელი დანარჩენი მამელუკების ამოხოცვა სხვა და სხვა მაზრებში. ვ. 3.

*) Texte Pilgrim's Society, t. XI, p. 84.

**) Papadopoulos-Kerameus, Ἀγάλεκτα Ιεροσολυμιτικῆς Σταχυολογίας, t. IV, p. 441.

თვით ქალაქ იერუსალიმის ფარგლებში არსებულ სავანეებსაც კი, (რომელნიც იყვნენ წმიდა ნიკოლოზისა, წმიდა გიორგისა, წმიდა იაკობისა, წმიდა იოვანე ღვთის-მეტყველისა, წმიდათა თეოდორეთა, წმიდა დიმიტრისა, წმიდა ვასილისა, წმიდა კატერინესი და წმიდა თეკლესი) ერთი მეორის შემდეგ იჭერენ ქართველები.

დაახლოვებით ამავე ხანაში, მათ კიდევ ეჭირათ სამლოცველოები წმიდა ანნასი და წმიდათა ანგელოსთა სავანეებისა; ეს ორივე დაწესებულება დღეს სომხების ხელშია. ქართველებს კიდევ სხვა მამულებიც ჰქონდათ, სხვათა შორის ერთი სავანე ზეთის-ხილის მთაზე; მხოლოდ ყველა ამათ შესახებ დღემდის საკმარისი ცნობები არ არის აღმოჩენილი. ის კი დანამდვილებით ვიცით, რომ ბერძნებს და დანარჩენ ქრისტიანებს ქართველებისთვის უნდა ეთხოვნათ, რომ ქრისტეს წმიდა საფლავზე ლოცვის ნება მიეღოთ. ლუდოლფი, რომელიც პალესტინაში ცხოვრობდა 1336—1341 წლამდე, აღნიშნავს, რომ ქართველებს მართლაც ჰქონდათ წმიდა საფლავის გასაღები *). აქ, ჩვენის აზრით, დანამდვილებით ლაპარაკია ნიშის გასაღებზე, ვინაიდგან პოჯიბონისი ამტკიცებს, რომ 1345-ში სარაცინები ინახავდენ ტაძრის გასაღებს **).

ას ორმოცდა ათი წლის განმავლობაში, ქართველები მშვიდობიანად ფლობდენ გოლგოთის თხემის მთელ სავანე-სამლოცველოს; მხოლოდ მე-XV საუკუნის დასასრულს ლათინებმა ჩამოართვეს მათ ამ დაწესებულების ნახევარი. 1475 წელში დასავლეთის სამლენელოებას სურდა დაესაკუთრებინა სრულად ეს ადგილი, მაგრამ მათი ცდა უნაყოფოდ დარჩა. ადგილობრივ

*) Archives de l'Orient latin, t. II, II-e partie, p. 354.

**) აქვე.

სასამართლოს განაჩენით, 1492 წლის თარიღით, ქართველებს რჩებოდათ გოლგოთის თხემის ჩრდილოეთი მხარე და ფრანგებს სამხრეთისა. მაშინდელი გამწვავებული მდგომარეობა დღესაც გრძელდება იმ განსხვავებით, რომ ქართველების ადგილას ბერძნები არიან. სასამართლოს დადგენილება ორივე მოდავე მხარეთა წინასწარი შეთანხმებით მოხდა: ლათინებს მიეცათ საშუალება თავისუფლად ელოცათ გოლგოთაზე და ქართველებმა დაიმტკიცეს ნაწილი თვით წმიდა საფლავის საკუთარ ეკლესი-ისა. მართლაც ფრანცისკანებმა სამაგიეროთ დაუთმეს მათ ერთი მესამედი ტალანისა (გალერია), რომელიც საკუთრად ჰქონდათ ამ ტაძარში. გოლგოთის მთის ძირს მდებარე ადამის სამლოცველოც ქართველებსავე დარჩათ საკუთრებათ. ამ დავა-ზე 2000 დინარი *) დახარჯულა **).

მოკავშირე ეგვიპტის მამელუკების დამარცხებამ და 1516 წელში ოსმალთაგან პალესტინის დაპყრობამ ქართველების გავ-ლენა იერუსალიმში ძალიან შეარყია. მიუხედავად ამისა, ესენი ერთი საუკუნის განმავლობაში კიდევ აქ დარჩნენ, მაგრამ მა-ინც ამ დროიდან იწყება მათი დაცემა, რომელიც დიდი სის-ტრაფით მატულობს. სამაგიეროდ იზრდება ბერძნების გავლენა, რომელიც თან და თანობით სპობს ქართველების გავლენას და ბოლოს მის ადგილს სავსებით იკავებს.

ქართველების სავანეები უცხო ტომის ბერებით აივსო, რადგან საქართველოს აღარ შეეძლო საკმარისი ხალხის მი-

*) დინარი ძველი რომაული ფულია, რომელიც უდრის 12 ფრანკს ანუ დაახლოებით 5 მანეთს. გ. გ.

**) Th. Aristocles Κωνσταντίνου πατριάρχου Κωνσταντινουπόλεως βιογραφία και συγγραφαι αὶ ἐλάσσονες. Constantinople, 1866, p. 284.

ცემა. მე-XIV საუკუნის დასაწყისიდან სხვათა შორის წმიდა იაკობის სავანეში უკვე ვხვდებით კოპტებს, სომხებს და ბერძებს *). ამ სავანებს შორის მალე რამდენიმე სავსებით უვარდებათ ხელში მოწინააღმდეგე საზოგადოებებს; ხოლო მესაკუთრე ქართველი ბერძები კი სამაგიეროდ ივალებენ მათ თავიანთი ვალების გადახდას. ამ პირობით 1536 წელში, ქართველებმა ფრანცისკანებს მიაქირავეს წმიდა ივანე ღვთის-მეტყველის სავანე, რომელსაც დღეს წმიდა მარქოვრის სავანეს ეძახიან. ამასვე ხელმეორეთ აძლევენ 1559-ში ორი წლის ვადით, ხოლო 1561-ში კი ორმოცი წლით; ამ დროსვე 80 ოტომანურ ფლორინად აძლევენ ზემოხსენებულ ბერძებს სავანის სიახლოვეს მდებარე ბალსაც **). იმავე წლებში და იმავე გზით გადავიდა წმიდა იაკობის სავანე სომხების ხელში ***).

ქართველების ამნაირი დაჭვითება და უძრავი ქონების უცხოელებზე გადაცემა უსახსრობამ გამოიწვია. ეჭვს გარეშეა მათი ამ ზომის სიღარიბე შეღეგი იყო იმ უზომო მფლანგველობისა და იმ ყოფა-ცხოვრებისა, რომელიც სრულიად არ შეეცავს მონაზონებრივ ჩვეულებებსა. მიუხედავად ამისა, ესენი ამ დროს მაინც ღებულობენ საქართველოდან თვალსაჩინო შემოწირულობას. ასე მაგ. მეფე ლეონ II დადიანმა (1520—1574) გააგზავნა იერუსალიმში წინამძღვარი (იღუმენი) იოაკიმე ჩოლაყაშვილი, რომელმაც წაიღო ძვირფასი ვერცხლის საჩუქრები გოლგოთის თხემის საკურთხეველისათვის ****).

*) Tobler, Topographie von Jerusalem, t. II, p. 740.

**) Paradopoulos-Kerameus, op. cit., t. IV, p. 444-445.

***) Th. Aristocles, op. cit., p. 275.

****) Tsagarelli. Souvenirs de l'antiquité géorgienne en Terre Sainte et au mont Sinaï (en russe). Saint-Péterbourg, 1888, p. 61, 62, 156.

ამ მოულოდნელია დახმარებამ ქართველებს საშუალება მისცა ღირსეულად შეეკეთებინათ ხენებული საკურთხეველი და ოლარ დასჭირდათ სომხებისა და ლათინების დახმარება, რომელიც პირუთვნელი არას დროს არ იყო *).

რამდენიმე წლის წინეთ, დაახლოვებით 1510-ში, ქართველებმა ძალია დაიპყრეს ის საკურთხეველი, რომელიც 1492 წ. შეთანხმების შემდეგ ფრანცისკანებს ჰქონდათ გოლგოთის თხემზე. იერიში იმ ზომამდე მკაცრი იყო, რომ მოლად შემუსრეს არა მარტო ლამპები და ყოველივე რაც მოძრავი რამ მოიპოვებოდა ეკლესიაში, არამედ თვით საკურთხეველიც დაანგრიეს და ფრანცისკანები სალოცავადაც კი სიახლოვეს აღარ გაიკარეს. ამ დროს წმიდა საფლავის სავანის უფროსი ფრა (ქმა) — სურიანო იყო; მან სრული ერთი წელიშადი დავას მოანდომა კათოლიკების უფლებათა დაცვა-აღდგენისათვის ადგილობრივ მართველობის წინაშე, რომლის მოხელეებს ამისათვის ხშირათ დიდხალ საჩუქრებს აძლევდა. ფრა-სურიანომ ქრთამის წყალობით ადამის სახელწოდების პატარა ეკლესიაც ჩამოართვა ქართველებს, მაგრამ ეს კი დიდხანს ვერ შეინარჩუნა **).

დავა ქართველებსა და ფრანცისკანებს შორის არა ერთხელ განმეორდა. 1538—1540 წლებში კათოლიკები ედავებიან ქართველ ბერებს გოლგოთის თხემზე არსებულ საკუთარი საკურთხეველის მფლობელობას, რაც მოსხანს ამ დროის ადგილობრივი სასამართლოს მრავალ განაჩენებიდან ***). ხოლო 1568 წელში თვით ქართველები იწყებენ საჩივარს თურქის

*) Brosset, Additions et éclaircissements à l'histoire de la Géorgie. Saint-Pétersbourg, 1851, p 198.

**) Fra Suriano, il trattato di Terra Santa e dell'Oriente, édition Golubovich. Milan, 1900, p. 34.

***) Papadopoulos-Kerameus, op. cit., t. IV, p. 447.

მთავრობის წინაშე, რადგან კათოლიკე ბერებს საჩუქრების და ცრუ მოწმობების საშუალებით დაესაკუთრებიათ ეკლესია იმ სავანისა, რომელიც მათგან დაქირავებული ჰქონდათ; სულთანის ბრძანებით ფრანცისკანებმა ეკლესია ქართველებს დაუბრუნეს *). 1576-ში კიდევ ახალ საჩივარს ვხედავთ, რადგან წმიდა იოვანე ღვთის-მეტყველის სახელობის ქართველთა სავანის ქირას ფრანცისკანები არ იხდიან. ამათ ეს დავაც წააგე' და იძულებული გახდენ მოთხოვნილი თანხა გადაეხადათ ქართველებისათვის **).

ყველა ამ კამათის და დავის განმავლობაში ქართველები უფრო და უფრო სუსტდებიან და მათი რიცხვი მცირდება, ხოლო მათ მიერ დატოვებულ ქონების შესაძენად კი მოწინააღმდეგენი ერთი-მეორეს ედავებიან. ამ დროს მაინც ქართველებიდან სულ მცირე რიცხვი-და იყო დარჩენილი წმიდა ქალაქში, სადაც 1591-ში უკვე გერმანელი ს. შვაიგერი მხოლოდ ხუთ ქართველს შეხვდა ***). ქართველთა ქონების მითვისების საერთო ცდაში იერუსალიმის ბერძენმა პატრიარქმა სოფტონმა (1579-1608) ყველაზე მეტი გამჭრიახობა გამოიჩინა. მან თავის ცდას საფუძვლად დაუდვა წინაპრების უფლებათა აღდგენა და მართლ-მაღიდებლობის განსაცდელისაგან დახსნა. მართლაც ამ ცრუ მიზეზებმა თავისი ნაყოფი გამოიღეს: სულთან ახმედ I-ის მიერ გაცემულ ბრძანებით გოლგოთა ბერძნების საკუთრება გახდა. ამის გარდა მან სხვა უფრო მკვეთრი გარემოებებითა და საშვალებებითაც შესამჩნევად ისარგებლა. ვალით ავსებულ ქართველებს პატრიარქმა ფული ასესხა, ზოგიერთების

*) Th. Aristocles, op cit., p. 250.

**) ოქვე.

***) Zinkeisen, Geschichte des osmanischen Reiches in Europa. Gotha, 1885, t. III, p. 818.

თქმით 14000 მარჩილი, ხოლო სხვათა სიტყვით კი 7000 სეკაჲ *), და ამ თანხის სამაგიეროთ გოლგოთის შენობა, როგორც წინდი, თავის სახმარებლად მიიღო **). ეს ფული ქართველებმა ვეღარ დაუბრუნეს და იძულებული გახდენ მიეტოვებინათ ეს სამლოცველოც, რომელიც სამი საუკუნის განმავლობაში მათს უფლებაში იყო. 1644—1647 წლამდის პალეტინის მოგზაური სურიუსი ვეღარ ხედავს ქართველებს გოლგოთის სავანეში ***). ესენი უკვე გადაბარგებული იყვნენ თავიანთ წმიდა-ჯვრის სავანეში, სადაც იცხოვრეს მე-XVIII საუკუნის დამლევამდე, ხოლო ამ საუკუნეში აქაც სრულიად მოისცენ ****).

*) სეკაჲ არაბული ოქროს ფული იყო, რომლის ღირებულება ოსმალეთში უდრიდა 8 ფრანქს და 73%. ხოლო იტალიის რესპუბლიკებში კი მეტი ღირებულება ჰქონდა. **ზ. 3.**

**) Aristocles, op. cit., p. 284.

***) Le Pieux Pèlerin ou Voyage de Jérusalem, par le R. P. Bernardin Surius, président du Saint-Sépulcre et commissaire de la Terre Sainte (1644-1646). A. Bruxelles. 1666, p. 161.

****) წმიდა კონსტანტინეს სავანის ერთი კედლის შიგნითა კუთხეზე ბ-ნ შიკმა (Schick) 1879 წელში, ქართულად წარწერილი ერთი ქვა აღმოაჩინა. ეს წარწერა, ცაგარელისგან წაკითხული 1881-ში, შემდეგი შინაარსისაა: „ქრისტე, წმიდა ნიკოლოზ, იყავნ მეოხე ქრისტეს წინაშე კახეთის უფლისწულისა ელისაბედისა, ძველად ეღიენესი“. ეს ელენე, ეჭვი არ არის, მეფე დავით მე-II (1604) ასული უნდა იყოს, რომელმაც 1615 წელს სპარსეთში იმგზავრა, 1625-ს იერუსალიმში მოვიდა და წმიდა ნიკოლოზის სავანეში მოლოზნად აღეკვეცა ელისაბედის ანუ სხვა წარწერებით ანასტასიას სახელ-წოდებით. Cf. Palestine Exploration Fund Quarterly Statement, octobre 1911, p. 187. კიდევ შენიშნავენ, რომ ამ ელენეზე აღრე მრავალი უფლისწულები და თავადიშვილები იერუსალიმში მისულან და მოლოზნად აღკვეცილან.

1660 წლებში ქართველებს ისეთი ცუდი სახელი ჰქონდათ და მათი გაჭირვებული მდგომარეობა იმ ზომამდე იყო მისული, რომ ყველანი ლაპარაკობდენ და ფიქრობდენ მათი ქონების დასაკუთრებაზე. ამის გარდა ვერც ერთი ქართველი მლოცველი, ვერც ბერი, ვერც ერის კაცი ისე ვერ მივიღოდა იერუსალიმში, რომ არ დაეკავებინათ და არ დაემწყვდიათ. ამავე დროს მკაცრი ქიშპობა წარმოებდა მათი ქონების დასასაკუთრებლათ. სომხები, ლათინები და ბერძნები ერთი-მეორეს ეცილებოდენ ქართველ ბერთა ვალების გადახდაში, რათა მათი დაწინდული სავანეები დაესაკუთრებიათ. სომხები, რომელთაც უკვე ხელში ჩაეგდოთ წმიდა იაკობის სავანე, წმიდა ჯვრის სავანეს ეტანებოდენ, ხოლო ფრანცისკანები, რომლებიც უკვე გაბატონებული იყენენ წმიდა ივანე ლვის-მეტყველის სავანეში, ცდილობდენ წმიდა ნიკოლოზის სავანეც როგორმე ხელში ჩაეგდოთ. რაც შეეხება ბერძნებს, ესენი მხოლოდ ერთს ფიქრობდენ: შეეძინათ ქართვლების ყველა ქონება. ქიშპობაში დიდ ხანს გასტანა და მკაცრი ხასიათიც მიიღო. საბოლოოდ, ბერძნის პატრიარქმა დოროთემ (1669-1707) დაამარცხა ყველა მოწინააღმდეგ საზოგადოებანი.

თუთხმეტი წლის განმავლობაში ამ პატრიარქმა აღძრა მართლმადიდებელი ქვეყნები და განსაკუთრებით კავკასიის ხალხები, რომლებიც დაარწმუნა იმაში, რომ წმიდა აღგილებს საბოლოოდ დაკარგვა მოელოდა სომხებისა და ლათინების ხელში. ამან ხელი შეუწყო იმაში რომ შეეკრიბა საკმარისი თანხა, რათა ხსენებული სავანეები დაებრუნებია უკანვე ყველა იმათგან, ვისაც ქართველებისთვის ფული მიეცათ და სესხში დაწინდულ სავანეებს ეპატრონებოდენ. ანგარიშების გასწორება და გასტუმრება დაიწყო 1685 წელში და გასტანა არა ნაკლებ

თოთხმეტი წელიწადისა. ამ საქმის წარმოება უდიდეს სიძნელეს წარმოადგენდა, რადგან ანგარიშები ყველა არეული და საშინელი წყვდიადით გარემოცული იყო. მართლაც ამ აღვილებში ძველადგანვე საპატიო ჩვეულებათ იყო მიღებული გამსესხებლების შორის ცრუ ვექსილების და ცრუ მოწმეების ხმარება. ყველა ამ სიძნელეთა გამო საჭირო გახდა 9000 ფლორინის გადახდა მარტო იმისთვის, რომ მოვალეებს სავანეების და უძრავი მამულების წინდზე ხელი აეღოთ *).

II. დასავლეთის მლოცველები და ქართველები.

დასავლეთის მლოცველთაგან, რომელთაც წმიდა ქვეყანა მიმოიხილეს, ბევრმა ფრიად საყურადღებო აღწერილობა დასტოა, მაგრამ ისინი ერთიმეორეს სრულიად არ ეთანხმებიან, როდესაც იქრუსალიმში ნახულ ქართველებზე ლაპარაკობენ. აქ აღვნიშნავთ, რომ მე-XII საუკუნიდან მე-XV-მდე, ყველა ეს მემატიანენი პალესტინის ქართველობას საკმაო თანაგრძნობით იხსენიებენ, ამ უკანასკნელ საუკუნის შემდეგ კი თითქმის ყველანი მტრულად ეკიდებიან. ეს უკეველია გამოწვეული იყო იმ მუდმივი დავითა და ქიშპობით, რომელიც ქართველებსა და ლათინებს შორის არსებობდა იმ დროში სამლოცველოების გამო.

მე-XII თუ მე-XIII საუკუნის ერთი სახელ-უცნაბი მწერალი, მე-XVI საუკუნის გრეფინ აფაგართი (Greffin Affaghart) და სხვანი გადმოგვცემენ, რომ ქართველი ბერები ბერძნებსავით

*) Chr. Papadopoulos, op. cit., p. 45 sq.

გრძელ თმას ატარებდენ; მაგრამ, როგორც სჩანს, სხვა მწერალნი, რომელნიც საკითხს უფრო გაცნობილნი იყვნენ— სხვათა შორის: ალბერტ ტრუა-ფონთენელი 1234 წ., ბართლომე სალინაკელი 1522 წ., მეტადრე ფრა სურიანი, რომელიც 1490—1512 წლებში ორგზის იყო ფრანცისკანების წმიდა საფლავის სავანის უფროსად, და მღ. ბუშე, რომელმაც მე-XVII საუკუნის დასაწყისში დიდხანს იცეოვრა იერუსალიმში, — ერთხმად მოწმობენ, რომ ქართველები ატარებდენ კოჭიკურსა *). მღვდელ-მონაზონები—რგვალსა და ბერები—ოთხკუთხსა.

ეს გარეგნული შეხედულობით წინააღმდეგი მემატიანეთა ცნობები შეუთანხმებელი არ არის, ვინაიდან თიტმარი (Thietmar), რომელმაც 1217 წელს მოიარა სალოცავად წმიდა აღგილები, ამბობს, რომ ქართველებს გრძელი თმა და კოჭიკური ჰქონდათო **).

მე-XIII საუკუნეშივე მღლო ელების ყურადღება მიიპყრო ქართულმა ქუდებმა ***), რომე თაც ერთი „ულნის“ ****) — სიგრძე ჰქონდათ.

ამ ხანის შემდეგ, განსაკუთრებულ უპირატესობის გამო, ეგვიპტის სულთნებმა რომ მიანიჭეს ქართველებს, რომელიც

*) კოჭიკური (tensure) ჰქვია თავზე რგვლათ ამოკრეჭილ ადგილს ანუ თვით თავის ირგვლივ გვირგვინივით შემოკრეჭილსა. ბ. 3.

**) Laurent, Peregrinatores medii ævi quatuor. Hambourg. 1857, p. 51, A.... Barbam nutrit et comam. Omnes habent coronas, tam laici quam clerici : laici quadratas, clerici rotundas.

***) Laurent, Ibid.... ferentes in capitibus pillea unius ulnae longa.

****) ულნა, ლათინური ზომაა და უდრის დაახლოვებით $\frac{3}{4}$ არშინისა. ბ. 3.

1516 წლის დაპყრობის შემდეგ ოსმალთა სულთნებმაც იცნეს, ქართველები, როგორც კაცები ისე ქალები, იერუსალიმში შეიარაღებულნი შედიოდენ თავიანთი საკუთარი დროშებით და არც იხდიდენ იმ ხარჯს, რომელსაც მუსულმანები იღებდენ სხვა ტომის მლოცველებისგან.

დასავლეთის ყველა მწერალნი ერთხმად ამტკიცებენ ქართველების იშვიათ რაინდობას, რომლის გამო მთ დიდი სამსახური გაუწიეს ქრისტიანობას. მაგრამ როდესაც იერუსალიმში მათ მიერ ნახულ მღვდლების, თუ ბერების პირად ცხოვრებაზე ლაპარაკობენ, უნდა გამოვტყდეთ, რომ მათი მოწმობა, (რომელიც შე-XV საუკუნიდანვე ერთსა და იმავეს იმეორებს), მაინც დამაინც სასიჭადულო არ არის. მხოლოდ ბურნბარდი სიონისმთელი (Burchard du Mont Sion) 1238 წელს სრულიად გულწრფელად სცდილობს დაგვარწმუნოს, რომ ნესტორიანები, ქართველები და სხვა აღმოსავლეთელები—რომელნიც მის დროს იერუსალიმში ცხოვრობდენ—„არიან კეთილნი და მარტივნი, იცავენ უბიწოებას და მარხვას, დაბიურ ტანისამოსს იცმენ და ისეთ სამაგალითო ცხოვრებას ატარებენ, რომ მზგავსი არსად მინახავს რომის ეკლესიის ბერებშიო“ *). თუ ეს კეთილი მლოცველი გარეგნული შეხედულობით არ მოტყუვდა, მაინც უნდა გამოვტყდეთ, რომ ქართველებმა ძალიან მალე დაჰკარგეს თავიანთი კეთილი და სათნოიანი ცხოვრება, ვინაიდგან შემდეგ საუკუნოების ყველა მწერლები პირ-იქით მოწმობენ, რომ ქართველები დიდის განცხრომით ცხოვრობდენ და მათმა ლოთობამ გაანადგურა იგინი. მოვიყვანთ აქ მხოლოდ ორს ამონაწერს. ფრა სურიანო, რომელმაც ოც წელიწადზე

*) Burchard, Descriptio Terrae Sanctae. Magdebourg, 1578, I, c II.

მეტი დაჭურ იერუსალიმში და რომელსაც დრო და საშვალება ჰქონდა ქართველებს გასცნობოდა, ამ სიტყვებით იხსენიებს მათ: „ქართველები ძალზე ბოროტი მწვალებლები არიან, მზგავსნი ბერძნებისა, რომელთაც უკუღმართობით არ ჩამოუვარდებიან. მთებში ცხოვრობენ: ამათი ქვეყანა ტრაპიზუნთან ახლოა, შავი ზღვის ნაპირას. ლამაზი ტომია, მაგრამ ამპარტავანი. ფილოსოფოსი ამბობს, რომ მთებში მცხოვრებნი ჟინიანი, ცუდი ქცევის და მოჩხუბარნი არიანო... იერუსალიმში მათ სამი მონასტერი აქვთ, საღაც ცხოვრობენ და ლოცულობენ: ეკლესია წმიდა-საფლავისა, წმიდა-ჯვრისა და წმიდათა-ანგელოზთა. დიდ სიღარიბეში ცხოვრობენ და ღვინის დიდი მსმელები არიან. მდაბიოდ და ველური გვარისანი არიან. ესენი ბერძნებთან ერთად ჩვენი უმთავრესი და ძლიერი მტრებია და შეუწყვეტელი შფოთი და კამათი გვაქვს მათთან“ *).

მე-XIII საუკუნის დასაწყისში მ. ბუშე **) ასე სწერს: „ქართველები ცოტათი უფრო ულმობელნი, უფრო ურცვნი, უფრო თავხედნი და უფრო ლოთნი არიან, ვიდრე ბერძნები ***).

*) Fra Suriano, il trattato di Terra Santa e dell'Oriente, édition Golubovich. Milan, 1900, p. 74.

**) Le bouquet sacré composé des Roses du Calvaire, des lys de Bethléem, des jacinthes d'Olivet et de plusieurs autres et belles pensées de Terre Sainte par le R. P. Boucher, Mineur Observantin, Rouen, chez la veuve de Thomas Daré, rue aux Juifs, près le Palais, MDCXXIII.

***) საერთოთ აქ შევნიშნავთ, რომ ფრა სურიანო და მღ. ბუშე თუ ასე მკაცრად იხსენიებენ ქართველებს, ეს ადვილი მისახვედრია, რადგან მათ და საერთოდ დასავლეთის იმ დროის მისიონერებს დიდი კამათი და ბრძოლა ჰქონდათ ქართველებთან სხვა და სხვა ეკლესიების და სავანეების თაობაზე. ჩვენ დარწმუნებული ვართ, რომ ამათი გადმოცემა მთლად ტყვილი არ არის, მაგრამ ყოველ შემთხვევაში ძალზედ მიკერძოებით

ამისთვისაა, რომ დღეს ცოტანილა არიან ისეთნი, რომელნიც
თავიანთ თავს ქართველებათ აღიარებენ, ვინაიდგან აღმოსავლე-
თის ამ აღილებში ერთგვარათ ნიღებულია სიტყვა ქართველი
და თავხედი ანუ ლოთი“.

და გაზვიადებით არის დაწერილი. ჩვენ დარწმუნ ებული ვართ
იმაშიც, რომ თუ ქართველები წინაპრების გზა-კვალს არ და-
შორებოდენ, დაეცვათ მათი მყაცრი ზნე-ჩვეულება, ეტარებიათ
მათსავით კეთილი და ლვთისნიერი ცხოვრება, და მათსავით
დიდი უნარი გამოეჩინათ, მაშინ ისინი არ დაჰკარგავდენ
წარსულ სიძლიერეს და საუკუნოების განმავლობაში შეძენილ
კულტურულ დაწესებულებებსა და სიმდიდრეს. მაგრამ ამით
მაინც არ მტკიცდება ის გაზვიადებული ცილის-წამება, რო-
მელსაც მათი მყაცრი მოპირდაპირე ფრა-სურიანო და მ. ბუშე
გადმოგვცემენ. ყველასაგან ისტორიულ ფაქტად აღიარებულია,
რომ ქართველები მუდამ დაშორებული იყვენ იმ გაუგებარ
სარწმუნოებრივ ფანატიზმს, რომელიც ახასიათებდა ბერძნებს.
ამისთვის ქართველების დაცემის უმთავრესი შიხეზი სხვაგან
უნდა გამოვნახოთ. ჩვენის აზრით, თვით იმ დროინდელი სა-
ქართველოს პოლიტიკური ცხოვრების აწეწ-დაწეწა იყო იმის
მიზეზი, რომ პალესტინის ბერებმა ცდარ შესტეს აჯალი ელე-
მენტის შემატება. საერთოთ ეს ხანა იყო ხანა ჩვენი ეროვ-
ნული ცხოვრების დასუსტებისა. შ. ვ.

III. წმიდა-ჯვრის მონასტერი.

როდესაც ვლაპარაკობთ „ქართველებზე იერუსალიმში“ არ შეიძლება არ შევეხოთ წმიდა-ჯვრის სავანესაც, რომელიც დიდხანს ქართველების ხელში იყო. ეს სავანე მდებარეობს წმიდა ქალაქის დასავლეთით, დაახლოებით ორი ვერსის მანძილზე ზეთის-ხილით მოშენებულ ერთ პატარა ხევში, რომელსაც გარს არტყია ქვიანი ბორცვები. ამ აღვილს უდიდესი მნიშვნელობა აქვს აღმოსავლეთის ქრისტიანებისათვის, რადგან მრავალ საუკუნეთა გადმოცემით ეს ის აღვილია, სადაც მოპკვეთეს ხე მაცხოვრის ჯვრის გასათლელად *).

წმიდა-ჯვრის სავანის დასაწყისი უფრო ძნელი გამოსარკვევია ვიდრე ხსენებული მოთხოვნისა. მაინც ვცადოთ, გავა-

*) ეს თქმულება მრავალი სახით არის გადმოცემული. ერნულის (1231) აზრით,—რომელიც მრავალმა მემატიანემ განიმეორა, —როდესაც ადამი კვდებოდა, შვილებს აკრძალული ხის ერთი შტო მოატანინა, და რა პირში ჩაიდო იგი, სული განუტევა. შვილებმა პირიდან შტო ველარ გამოჰვლივეს და შტოიანათ დამარხეს. საფლავზე აღმოცენდა ხე, რომლის ტან-ში ადამის თავი (ქალა) მოექცა. ქრისტეს ჯვარუმის დროს ეს ტანი სისხლით მოირწყო. (La Citez de Iherusalem. Itineraires français. Genève, 1882, p. 46). სხვა უფრო გავრცელებული თქმულებით, ლოტმა ერთად დარგო კვიპაროზის, კედრის და კატრის ხეები. ეს სამივე ხე შედუღლდა და ერთ ხედ გადაიქცა. სხვა და სხვა საარაკო შემთხვევების შემდეგ ეს ხე მოსჭრეს და მაცხოვრის ჯვრად გასთალეს. ბერძნის ბერებმა, —რომელთაც კრიტიკისა არა ესმით რა —, რამდენიმე წლის წინეთ დაახატვინეს თოთხმეტი სურათი ამ მოთხოვნის სხვა და სხვა შემთხვევათა წარმოსადგენად. თუმცა ამ მხატრობას არავითარი ისტორიული ღირებულება არა აქვს, მაინც დიდ შთაბეჭდილებას ახდენს მარტივ მლოცველებზე და უმთავრესად კი რუსებზე.

შუქოთ ნაწილი სინამდვილისა, რასაც თანამედროვე გადმო-
ცემა შეიცავს ამ ორ საკითხზე.

რომელ წელს მიეწერება წმიდა-ჯვრის ადგილზე გა-
შენებული პირველი სავანე? ყველა ის მკვლევარნი, რომელ-
თაც ეს საკითხი შეისწავლეს, ერთი მეორეს სრულებით არ
ეთანხმებიან. როგორც ზემოდ ვსთტვით, პროკოპი მოგვითხრობს,
რომ მეფე იუსტინიანემ განაახლა ლაზების სავანე იერუსალი-
მის უდაბნოში. მრავალნი ირწმუნებიან, რომ ეს ლაზების სა-
ვანე არის სწორეთ წმიდა-ჯვრის სავანე. ხოლო ზოგიერთნი კი,
რომელნიც ისტორიას წარმოდგენით ჰქმნიან, გადაჭრით ამბო-
ბენ, რომ ეს სავანე გაშენებულ იქნა იმ მიწაზე, რომელიც
თვით კონსტანტინე დადმია ან წმიდა ელენემ მისცა ქართვე-
ლების პირველ მეფეს მირიანსა. ამის გარდა სხვანიც ამტკი-
ცებენ, რომ ხსენებული სავანე მხოლოდ მე-V საუკუნეში გა-
შენდა, დაახლოებით იმავე რიცხვში, ესე იგი 480-ში, როდე-
საც ივერიელებმა იერუსალიმის ქალაქში *) თავიანთი სავანე
გააშენეს. დასასრულ, არის რამდენიმე ისეთი მწერალი, რო-
მელიც ფიქრობს, რომ ამ სავანის დაარსება მე-VII საუკუნეში
მოხდა, ერეკლე იმპერატორის დროს **). სპარსელებისგან წმი-
და ჯვრის დახსნამ და ზემოდ აღნიშნულ მოთხრობამ, ცხადია,
დიდი გავლენა იქონია მემატიიანეთა მსჯელობაზე, რადგან ამათ
არც ერთი დასაყრდნობი საბუთი არ აქვთ თავიანთი ნათქვამის
გასამართლებლად. ამის გარდა შემდეგში დავინახავთ, რომ
ჯვრის მოთხრობა მე-VII საუკუნეში არც კი არსებობდა.

*) Chr. Papadopoulos, Ἡ ἱερὰ μονὴ τοῦ Σταυροῦ. Jérusalem, 1905, p. 17-18.

**) Fr. Liévin de Hamme. Guide indicateur de la Terre Sainte. Jérusalem, 1888, t. II, p. 6; Chr. Papadopoulos, op. cit., p. 19.

მიუხედავათ ამ ერთი-მეორის საწინააღმდეგო და გამოგონილ ისტორიულ საბუთებისა, დანამდვილებით უნდა მივიღოთ, რომ არაბების დაპყრობის უწინ, წმიდა-ჯვრის იდგილზე ერთი სავანე არსებობდა, რადგან სხვა და სხვა მე-XI საუკუნის ხელნაწერები გადმოგვცემენ, რომ ქართველმა ბერმა პროხორემ განაახლა წმიდა ჯვრის სავანე 1040 წელს *).

მართალია, რამდენიმე ამ ხელნაწერთა შორის მხოლოდ სავანის დაარსებაზე ლაპარაკობს, მაგრამ უმრავლესობა კი ამბობს, რომ მაშინ მხოლოდ განახლება მოხდაო. თუ ეს სავანე ნამდვილათ არსებობდა მე-XI საუკუნემდე, ეჭვს გარეშეა, მისი დაარსება ბიზანტიის ბატონობის ხანას უნდა მიეწეროს, რადგან არაბები, რომელნიც ხშირად ძალიან სასტიკნი იყვნენ ქრისტიანებისადმი, ნებას არ დართავდენ ახალი სავანის ასაშენებლად.

უფრო ადვილი გამოსარკვევია სათავე ჯვრის ხის მოთხრობისა; ვიდრე სავანისა. საერთოდ ამბობენ, რომ ის დაახლოებით მე-VII საუკუნეს (ერეკლეს დროს) ანუ თვით მე-VI საუკუნეს ეკუთვნის. მაგრამ ჯვაროსნობაზე აღრინდელს ვერც ერთს საბუთს ვერ მივაგენით, რომელიც მას ოდნავ იხსენიებდეს. არც ერთი მლოცველი მე-XII საუკუნისა არ ლაპარაკობს არც ჯვრის ხის მოთხრობაზე და არც სავანეზე. ეს საერთო დუმილი სავანეზე ადვილი გასაგებია, მაგრამ ესევე არ ითქმის ჯვრის მოთხრობაზე. ყველა ისინი, რომელთაც თავიანთი სულიერი მოთხოვნილების დასაქმაყოფილებლად მოილოცეს იერუსალიმის მიღამოებში მდებარე უფრო ნაკლებ თვალსაჩინო სამლოცველოები, არ გამოსტოვებდენ იმ ადგილს, სადაც წმიდა-ჯვრის ხე მოიკრა. მაშასადამე უნდა დავასკვნათ, რომ ეს მოთხრობა ჯვაროსნებზე უძველესი არ არის.

*) Chr. Papadopoulos, op. cit., p. 20.

პროხორეს მიერ განახლებულ სავანესაც მალე ეწია ის ბედი, რომელიც განიცადეს დასავლეთის ქრისტიანთა დაწესებულებებმა მრავალ საუკუნის განმავლობაში ხელუხლებელი რომ იყვნენ. 1071—1078 წლამდე პალესტინა სისხლის ღვრის ასპარეზი გახდა; ამ წლებში სელჯუკებმა დაიპყრეს ქ. რამლეჲ და იერუსალიმი, და მოაოხრეს მთელი წმ. ქვეყანა. ამ დარბევამ დიდად ავნო განსაკუთრებით წმიდა-ჯვრის სავანეს, რადგან სელჯუკებმა ნაშილი შენობისა დაანგრიეს და მცხოვრებნიც მთლად ამოხოცეს. საკურთხეველის მოკენჭილ იატაკზე დღესაც მოჩანს სისხლის კვალი *) წამებულ ქართველ ბერებისა.

ეს სავანე ჯვაროსნებმა იმავე მდგომარეობაში ნახეს, როგორც სელჯუკებს დაეტოვებიათ, ესე იგი, ძალიან დაზიანებული, მაგრამ მთლად დანგრეული კი არა. სევულფის ასეთსავე განადგურებულ მდგომარეობაში ხვდება 1102 წელს; ხოლო რუსი დანიელი კი, რომელმაც 1106 ანუ 1107 წელს დაჰყო იერუსალიმში, გადმოგვცემს რომ მისგან ნახული სავანე თითქმის ერთიან განადგურებული იყო. მაში ისტორიულ სინამდვილეთ უნდა მივიღოთ, რომ 1102—1106 წლებში მოხდა შეკეთება, რომელიც ესაჭიროებოდა ხსენებულ სავანეს.

მთელ მე-XII საუკ. განმავლობაში ქართველები მშვიდობიანათ ცხოვრობდენ თავიანთ სავანეში და არავითარი შევიწროება არ განუცდიათ ჯვაროსნებისაგან; მემატიანენი მხოლოდ

*) Chr. Papadopoulos, op. cit., p. 21. ზოგიერთ მემატიანების აზრით ეს ნიშნები ეკუთვნის მე-VI საუკუნეს (სამარიტელების დარბავა); სხვათა გადმოცემით კი მე-VII საუკ. (სპარსელების ანუ არაბების დარბევა). ჩვენის აზრით ასეთი ძველი დროების ჩვენება ზღაპრულია და ისტორიულ სინამდვილეს მთლად მოკლებული, რადგან უკვე ვიცით, რომ ეკლესიის ხსენებული იატაკი პროხორე წინამდლვარმა მოაკენჭინა.

ერთ შემთხვევას აღნუსხვენ: 1178 წელს იერუსალიმის მეფე ბალდოვინი მე-IV (1173—1185) — სწორედ არ ვიცით, რა პირობების გამო — ხსენებულ სავანის გარშემო მდებარე ვენახებს ქართველებს ართმევს და უთმობს წმიდა-საფლავის კანონიკოსებს — მეუამნეებს *).

ჯვაროსანთა თანამედროვე ქართველი მეფეები დიდ ყურადღებას აქცევდენ წმიდა-ჯვრის სავანეს. ბაგრატ მეფის შემდეგ, რომელიც ამ სავანის განახლებაში დაეხმარა პროხორებს, დავით მე-II (1089-1125) და თამარ მეფეც (1184-1211) უხვად წყალობდენ მას. ამ უკანასკნელმა იერუსალიმში გააგზავნა სახელ-განთქმული პოეტი რუსთაველი და გაატანა ძვირფასი ძლვენი წმიდა-ჯვრის ეკლესიის გასამშვენიერებლად.

იერუსალიმის ლათინთა მთავრობის დამხობის შემდეგ იმისდა მიუხედვად რომ ქართველებს კავშირი ჰქონდათ ეგვიპტის მამელუკებთან, იმათმა სავანემ მაინც ზედი-ზედ განიცადა დარბევა სარკინოზთაგან (Sarrasins). ბელეკ-ზაჰირ-ბიბარსის მეფობის დროს (1260-1277), შეიხ ჰიდრმა განდევნა სავანიდან ქართველი ბერები და თვითონ დაბინავდა; მაგრამ სულ ცოტა ხნით, ვინაიდან მალე იძულებული გახდა დაებრუნებინა სავანე თავის კანონიერ მესაკუთრისათვის. სამწუხაროდ იგივე განმეორდა ოცდა ათი წლის შემდეგ, მელეკ-ენ-ნაზერ-ბენ-ხალაუნის (1293-1341) მეფობის დროს. ამ შემთხვევაში კი წართმეულ დაწესებულების დასაბრუნებლად საჭირო გახდა, რომ 1305 წ. 24 მეათათვეს საქართველოს მეფეს გაეგზავნა საგანგებო ელჩი, რომელსაც მხარი დაუჭირა ბერძნის იმპერატორმა ანდრონიკე მეორემ **).

*) Popof, le Patriareat latin de Jérusalem (en russe). Saint-Pétersbourg. 1903, t. II, p. 167.

**) Chr. Papadopoulos, op. cit., p. 27.

ამ სხვა და სხვა განსაკლელის შემდეგ, მყუდრო ხანა და-
უდგა წმიდა-ჯვრის სავანეს, რომელმაც მეფეების, თავადების
და საერთოდ მორწმუნე ხალხის შემოწირულობის წყალობით
შეიძინა საქართველოში ბევრი უძრავი მამული და მეტოქი *).
ამ მამულების წარმოებისათვის საქართველოში გამგეთ დანიშ-
ნული იყო ეგზარხოსი, რომელსაც ჯვარის-მამას ეძახდენ **).
სამწუხაროდ ქართველებმა იერუსალიმშიც კი გადაიტანეს თა-
ვიანთი შინაური უთანხმოება: ხშირად ერთ და იმავე დროს
წმიდა-ჯვრის უმფროსად ორი პიროვნება იყო, ერთი ზემოსი
და მეორე ქვემო საქართველოს ბერებისათვის. ეს რა საკვირ-
ველია, წესიერების და მშვიდობის განმტკიცებას ხელს არ უწ-
ყობდა სრულებით ***). ამისდა მიუხედავად ამ ხანაში და გან-
საკუთრებით კი მე-XIV საუკუნეში უმწვერვალეს ხარისხამდე
მიაღწია ქართველების გავლენამ პალესტინაში. წმიდა-ჯვრის
სავანის მამულების რიცხვი მატულობს, მის მახლობელ სოფელ
„მალჰაში“ დაბინავებული ქართველი ახალშენები ხნავენ და
სთესვენ მიდამო ადგილებს. ურიცხვი მწერლები და მთარგმნე-
ლები ამდიდრებენ ეროვნულ ლიტერატურას ****). ეჭვ გარე-
შეა ეს სავანე უტყუარი კერაა პალესტინის დაწესებულებათა.

გარეგნული შეხედულობით ის ციხე-კოშკს მიაგავს, გარს
არტყია ძლიერი გალავანი, რომლის სისქეში დატანებულია

*) მეტოქი=სახლი, ეკლესია ან სხვა რამ შენობა დამო-
კიდებული დედა სავანეზე. ზ. 3.

**) Tsagarelli. Souvenirs de l'antiquité géorgienne en Terre
Sainte et au Mont Sinaï (en russe). Saint-Pétersbourg, 1888, p. 57, 68.

***) Chr. Papadopoulos, op. cit., p. 30.

****) იერუსალიმში ბერძნის საპატრიარხო ბიბლიოთეკა
დღესაც შეიცავს 147 ქართულ ძველ ხელნაწერს; ამ წიგნების
სია გამოქვეყნებულია ცაგარელის მიერ. Cf. Pravoslaviou Pales-
tinskii Sbornik. Saint-Pétersbourg, 1883, t. IV, p. 144-191.

დაბალი რკინის კარი და პატარ-პატარა მოაჯირიანი სარკმლები. მთელი შენობის შუა ნაწილი ეკლესიას უჭირავს; ამის გარშემო მიჯრით მიშენებულია მრავალი სენაკი, სამას სამოცდა ხუთიო, ამბობს მე-XVI საუკუნის დასაწყისის ერთი მლოცველი *), ოთხასამდეო, ამბობს სხვა მლოცველი, რომელიც ასი წლის შემდეგ ყოფილა წმიდა-ჯვრის სავანეში **).

ის საერთო დაცემა, რომელსაც მე-XV საუკუნის დასასრულიდან ქართველების ყველა დაწესებულება განიცდიდა, წმიდა-ჯვრის სავანესაც ეწია; აქ უკვე მარტო ქართველი ბერები აღარ ცხოვრობდენ, რაღან ამ ხანის შემდეგ თითქმის ყოველთვის ბერძნებსაც ვხვდებით. ხოლო მე-XVI საუკუნეში სომხები, ნესტორიანები და იაკობიტელებიც ემატებიან ***). ამ დაცემის ერთი დამახასიათებელი ნიშანი შემდეგი იყო: წმიდა-ჯვრის ეკლესიაში ისე როგორც სხვა ქართულ სავანეებში უამ-კანონი და თვით წმ. წირვა ჩვეულებრივ ბერძნულად წარმოებდა და იშვიათად ეროვნულ ენაზე.

არაბები ქართველ ბერების სისუსტით სარგებლობდენ და ხშირად აწუხებდენ და ავიწროებდენ მათ. ხან ეკლესიის მეჩეთად გადაკეთებას ემუქრებოდენ ბერებს ვითომ იმ მიზნით რომ ძველად ასე მოქცეულიყვნენ როდესაც ერთხელ კიდევ ჩამოერთმიათ მათთვის ეს სავანე ****). ხან ამ სავანის მიღამოებში დასახლებულ გლეხებთან მოსდიოდათ უსიამოვნება და ჩხუბი იმ ყანებზე, რომლებსაც სადავოდ ხდიდენ, ანუ ღალის გამო რომელსაც ვერ დებულობდენ *****).

*) Papadopoulos-Kerameus, Τοία ἀνώνυμα Προσκυνητάρια τῆς Ιεράς ἐκατονταετηρίδος. Saint-Pétersbourg, 1896, p. 26-27.

**) Tobler, op. cit., t. II, p. 740.

***) Chr. Papadopoulos, op. cit., p. 33.

****) A. Papadopoulos-Kérameus, Ἀνάλεκτα Ιεροσολυμιτικῆς Σταχυολογίας, t. IV, p. 469.

*****) Chr. Papadopoulos, op. cit., p. 35.

ქართველები კი ცდილობდენ როგორმე წელში გამართულ-იყვნენ და თავიდან აეშორებიათ მოსპობის განსაცდელი, რო-მელიც ასე სასწრაფოდ მოედო მათ. 1643 წელში ნიკიფორე ილუმენმა განაახლა ეკლესია მეფე ლევან დადიანის შემოწირუ-ლობითა და დახმარებით; მაშინდელი შხატვრობა დღევანდლამ-დე დაცულია *). სამი წლის შემდეგ, 1646 წელში, იმავე ილუმენმა სავანის ზოგიერთი ნაწილების განახლება დაიწყო, მაგრამ მისი დამთავრება სულთან იბრაიმის განკარგულებით შეჩერებულ იქმნა სანამ არ გადიხდიდა დაგვიანებულ ლალასა და სახლის ვალებსა **).

ნიკიფორის მოადგილეებმა არ წაჰაծეს მის ფრთხილ მართველობას; განსაკუთრებით გაბრიელ ილუმენმა და მელეტიმა თითქმის განზრახ სულ უმიზნოდ და დაუფიქრებლად უზომო ვალებში ჩაფლეს წმიდა-ჯვრის სავანე. ამ გაჭირვებულ მდგო-მარეობის გამოსასწორებლად უხვი შემოწირულობა გაგზავნილ იქმნა საქართველოდან მაგრამ დანიშნულებამდე ვერ მიაღწია, ან წამლებლების უსინდისობისა ან და მეკობრეთა მტაცებლო-ბის გამო ***).

ქართველების ფინანსიურ გაჭირვებით სომხებს უნდოდათ ესარგებლათ და შეესყიდათ წმიდა-ჯვრის სავანე, მაგრამ მიზანს ვერ მიაღწიეს. ბერძნის პატრიარქმა დოსითემ, 1685 წლის აპ-რილში, გაიმარჯვა მათზე და შეიძინა ქართველების მთელი ქონება, რომელზედაც დიდი ხანია გული უთქვამდა. ამავე დროს მან გამოსცა მკაცრი წესები, რათა სავანე ხელმეორეთ აღარ ჩავარდნილიყო ვალებში და აგრეთვე ბერების ზნეობრივი

*) Chr. Papadopoulos, op. cit., p. 40-42.

**) A. Papadopoulos Kérameus, op. cit., t IV, p. 470.

***) Chr. Papadopoulos, op. cit., p. 44-44.

ღლსებაც დაცული ყოფილიყო *). მაგრამ თავისუფალ ცხოვ-
რებას დაჩვეულმა ქართველებმა ყურადღება არ მიაქციეს პატ-
რიარქის განკარგულებას და თავიანთი ურჩობით ხშირად მია-
ყენეს მას უსიამოვნება. ამის შემდეგ, თავის-თავად ცხადია,
სავანის მართველობა ჩამოერთვა მათ და გადაეცა ბერძნებს,
თუმცა ზოგიერთი უფლება დაუტოვა პატრიარქმა, სხვათა შო-
რის, თვეში ერთ გზის თავიანთ ეროვნულ ენაზე წირვის შეს-
რულება და სავანის იღუმენად გახდომა. ცნობილია მხოლოდ
ორი ქართველი ბერი, რომელთაც მიიღეს ეს თანამდებობა:
ქრისტეფორე, მე-IV საუკ. დასარულს და გერასიმე 1841-ში.
წმიდა-ჯვრის სავანესთან ერთად ქართველების ყველა საკუთ-
რება საბოლოოდ გადავიდა ბერძნების ხელში.

ამ სავანის ახლოს, რომელზედაც ჩვენ ვილაპარაკეთ, არის
სხვა დაწესებულება, კატამონის ანუ კატამონასის სავანედ წოდე-
ბული; დღეს ეს იერუსალიმის ბერძნის პატრიარქის საზაფხუ-
ლო სახლად არის გადაქცეული. საერთოდ მიღებულია, რომ
ეს შენობა ეკუთხნოდა მოხუცს წმიდა სიმეონსა, რომელზედაც
ლაპარაკობს მახარებელი წმ. ლუკა (II, 25). ამბობენ, ვითომ
საქართველოს შეფე ვაჭტანგს 1177 წელში შეესყიდოს ეს ად-
გილი და აღეშენოს სავანე თავის ქვეშევრდომ ქართველ ბერე-
ბისათვის. ეს კი მაინც ცხადია, რომ საშუალო საუკუნეში ხსე-
ნებული სავანეც ქართველების ხელში იყო. ფრა სურიანო
გვიმტკიცებს ამის სინამდვილეს და დასძენს, რომ ქართველები
იძულებული გახდენ მიეტოვებიათ კატამონის სავანე მე-XVI
საუკუნეში, რაღვან 1515—1524 წლამდე, ბედუინებმა ცხრა-
მეტი მათგანი დახოცეს **).

*) Chr. Popadopoulos, op. cit., p. 57.

**) Fra Suriano, op. cit., p. 132.

და-ჯვრის სავანეს: ექვემდებარებოდა, და ამათთან ერთედ გადა-
ვიდა ბერძნების ხელში. 1859 წელს წმიდა საფლავის ბერძა
აბრაამმა ქართული წარწერები აღმოაჩინა ხსენებულ კატამონის
სავანეში *).



IV. ქართველების მოსპობა იერუსალიმში.

ჩვენ ზემოთ უკვე აღვნიშნეთ, რომ 1640—1642 წელში,
გოლგოთის სამლოცველოს მომვლელი ქართველი ბერები იძუ-
ლებული გახდენ ბერძნებისათვის დაეთმოთ თავიანთი ადვილი
და გადასულიყვნენ წმიდა-ჯვრის. სავანეში, სადაც ორმოციოდე
წელიწადი დაჰყვეს. საუბედუროდ წარსულმა მწარე გამოცდი-
ლებამ მაინც გონებაში ვერ ჩააგდო იგინი. როდესაც 1685
წელში, დოსითე პატრიარქმა წმადა-კვერსა და სხვა დანარჩენი
ქართული სავანეები დაისაკუთრა, მაშინვე ზომები მიიღო მან
და მათი მკვიდრნი მცხოვრებნი ბერძნის სხვა და სხვა დაწესე-
ბულებებში დაჰფანტა, რათა ერთიან მოესპო ის მცირედი გავ-
ლენაც რომელიც ქართველ ბერებს კიდევ შერჩენოდათ.

ამ დროიდან მოყოლებული ქართველები ჰქარგავენ ყო-
ველგვარ მნიშვნელობას. ისეც გაძნელებული იყო მათი შემა-
ტება რადგან საქართველოდან თითქმის აღარავინ მიღიოდა
პალესტინის სავანეებში. ამას დაერთო ისიც, რომ გაბატონე-
ბული ბერძნები მათ შესახებაც იმ ღონისძიებას ღებულობდენ
რომელსაც უძველეს დროიდან ჰქონდა ადგილი პალესტინის
მართლმადიდებელ არაბებისადმი; ეს იყო უცხო ტომის ბერთა

*) Palestine exploration Fund: Quaterly Statement, octobre 1911, p. 185.

სისტემატიური მოშორება თავიანთ სავანეებიდან. ქართველი ბერები საბოლოოდ მოისპენ ვგონებთ მე- XVIII საუკუნის გან- მავლობაში, თუმცა მე-XIX საუკ. ვხედავთ რავდენსამეს; მაგრამ ეს უკვე გამონაკლისს შეადგენს.

ესრედ ამაყმა ქართველმა ხალხმა თერთმეტ დაწესებულე- ბიდან იერუსალიმსა და მის მიდამოებში რომ ჰქონდა ოდეს- ლაც, საბოლოოდ ერთიც ვერ გადაარჩინა დალუპვისაგან. მისი უძველესი ლირსებისა და გავლენის ხსოვნა სხვა ფრივ აღარ არსებობს პალესტინაში, თუ არა ბერძნის საპატრიარქო წიგნთ- საცავის ხელნაწერებში, სხვა და სხვა ძვირფას წარწერებსა და მხატვრობაში იმ დროიდან რომ დაშთენილია. ადამიანის შურმა, მტრობამ და დროთა ვითარებამ დღემდის კიდევ ვერ შესძლო მათი ამოფხვრა სრულიად. დღეს კი იერუსალიმს მისული ქარ- თველები შობის და აღდგომის დღესასწაულებში, უცხო ტომის საზოგადოებებს სთხოვენ სტუმრობას და ბინავდებიან სომხების წმიდა-იაკობის სავანეში, ანუ რუსების სხვა და სხვა დაწესებუ- ლებებში.

როდესაც 1841-ში პალესტინის რუსის მისია მივიდა იე- რუსალიმს, სულ უნაყოფოდ შეეცადა ჯერედ წმიდა-ჯვრისა და მემრე წმიდა-აბრაამის და წმიდათა-თეოდორეთა სავანეების დაპა- ტრონებას. რუსები თავიანთ თავს ქართველების კანონიერ მემკვიდრეებაო აღიარებდენ, რადგან სამოციოდე წლის წინეთ ამათი ეროვნული ეკლესია პეტერბურგის წმიდა-სინოდისათვის დაექვემდებარებათ. დღესაც კიდევ ამავე საბუთით თხოულო- ბენ წირვის შესრულების უფლებას წმიდა საფლავზე და სხვა საკურთხეველებში. მიზანს მიაღწევს თუ არა მათი მოთხოვნი- ლება, ამას მომავალი გვიჩვენებს.

944.922
y 284